

Հավելված N1
ՀՀ կառավարության 2025 թվականի
նոյեմբերի 20-ի N 1643 - Ն որոշման

Կ Ա Ր Գ ՈՒ Պ Ա Յ Մ Ա Ն Ն Ե Ր

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՆԻՑ ԵՐԿԱԹԻ ԵՎ ՉԼԵԳԻՐՎԱԾ ՊՈՂՊԱՏԻ,
ԵՐԿԱԹԻՑ ԿԱՄ ՉԼԵԳԻՐՎԱԾ ՊՈՂՊԱՏԻՑ ԿԻՍԱՊԱՏՐԱՍՏՈՒԿՆԵՐԻ,
ԼԵԳԻՐՎԱԾ ՁՈՒԼԱԿՏՈՐՆԵՐՈՎ ԿԱՄ ԱՅԼ ՍԿԶԲՆԱԿԱՆ ՁԵՎԵՐՈՎ ՊՈՂ-
ՊԱՏԻ, ԶՏՎԱԾ ՊՂՆՁԻ ԵՎ ՉՄՇԱԿՎԱԾ ՊՂՆՁԱՅԻՆ ՀԱՄԱՁՈՒԼՎԱԾՔՆԵՐԻ,
ՉՄՇԱԿՎԱԾ ԱԼՅՈՒՄԻՆԻ, ԱԼՅՈՒՄԻՆԻ ՓՈՇԻՆԵՐԻ ԵՎ ԹԵՓՈՒԿՆԵՐԻ՝
ԴԵՊԻ ԵՐՐՈՐԴ ԵՐԿՐՆԵՐ ԱՐՏԱՀԱՆՄԱՆ ՀԻՄՆԱԿԱՆ ԼԻՑԵՆԶԻԱՅԻ
ՏՐԱՄԱԴՐՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. ԵԱՏՄ ԱՏԳ ԱԱ 7206, 7207, 7224, 7403, 7601 և 7603 ծածկագրերին դասվող
ապրանքների՝ դեպի երրորդ երկրներ արտահանման լիցենզիայի տրամադրման
կարգով (այսուհետ՝ ընթացակարգ) կարգավորվում են սույն կետում նշված
ապրանքների արտահանման լիցենզավորման գործընթացի հետ կապված
հարաբերությունները:

2. ՀԻՄՆԱԿԱՆ ՀԱՄԱՁՈՒԹՅՈՒՆՆԵՐԸ

2. Սույն ընթացակարգում օգտագործվում են հետևյալ հասկացությունները՝

1) *ապրանք*՝ ԵԱՏՄ ԱՏԳ ԱԱ 7206՝ երկաթ և չլեգիրված պողպատ՝ ձուլակտոր-
ներով կամ այլ սկզբնական ձևերով (բացի 7203 ապրանքային դիրքի երկաթից),
7207՝ երկաթից կամ չլեգիրված պողպատից կիսապատրաստուկներ, 7224՝ այլ
պողպատ՝ լեգիրված ձուլակտորներով կամ այլ սկզբնական ձևերով. կիսապատ-
րաստուկներ այլ լեգիրված պողպատից, 7403՝ զտված պղինձ և չմշակված պղնձային
համաձուլվածքներ, 7601՝ չմշակված ալյումին, 7603՝ ալյումինի փոշիներ և թեփուկներ
ապրանքային դիրքի ծածկագրերին դասվող ապրանքներ.

2) *լիցենզավորում*՝ վարչական միջոցների ամբողջություն, որոնցով սահմանվում է լիցենզիայի տրամադրման կարգը.

3) *հիմնական լիցենզիա*՝ արտաքին առևտրային գործունեության մասնակցին տրվող և լիցենզիայով սահմանված քանակությամբ լիցենզավորման ենթակա ԵԱՏՄ ԱՏԳ ԱԱ 7206՝ երկաթ և չլեգիրված պողպատ՝ ձուլակտորներով կամ այլ սկզբնական ձևերով, 7207՝ երկաթից կամ չլեգիրված պողպատից կիսապատրաստուկներ, 7224՝ այլ պողպատ՝ լեգիրված ձուլակտորներով կամ այլ սկզբնական ձևերով. կիսապատրաստուկներ այլ լեգիրված պողպատից, 7403՝ զտված պղինձ և չմշակված պղնձային համաձուլվածքներ, 7601՝ չմշակված ալյումին, 7603՝ ալյումինի փոշիներ և թեփուկներ ապրանքային դիրքի ծածկագրերին դասվող ապրանքների՝ դեպի երրորդ երկրներ արտահանման իրավունք տվող լիցենզիա.

4) *հայրապրու*՝ իրավաբանական անձ կամ անհատ ձեռնարկատեր, որը լիազորմամբն է ներկայացնում փաստաթղթեր՝ հիմնական լիցենզիա ստանալու նպատակով.

5) *լիազոր մարմին*՝ Հայաստանի Հանրապետության գործադիր իշխանության մարմին, որին հիմնական լիցենզիա տրամադրելու իրավունք է վերապահվել.

6) *երրորդ երկրներ*՝ «Եվրասիական տնտեսական միության մասին» պայմանագրի մասնակից չհանդիսացող պետություններ և (կամ) երկրների միություն:

3. ՀԻՄՆԱԿԱՆ ԼԻՑԵՆԶԻԱ ՍՏԱՆԱԼՈՒ ՀԱՄԱՐ ԱՆՀՐԱԺԵՇՏ ՓԱՍՏԱԹՂԹԵՐԸ

3. Հիմնական լիցենզիա ստանալու համար հայտատուն Հայաստանի Հանրապետության էկոնոմիկայի նախարարություն (այսուհետ՝ լիազոր մարմին) է ներկայացնում ուղեկցող գրություն՝ նշելով իրավաբանական անձի կամ անհատ ձեռնարկատիրոջ գտնվելու վայրը, պետական գրանցման կամ պետական հաշվառման համարը, հարկ վճարողի հաշվառման համարը, էլեկտրոնային փոստի հասցեն և հեռախոսահամարը, ինչպես նաև՝

1) հայտ՝ համաձայն սույն կարգի N 1 ձևի.

2) պետական տուրքի վճարման անդորրագրի պատճենը կամ պետական վճարումների էլեկտրոնային համակարգի կողմից գներացված անդորրագիրը կամ անդորրագրի 20-նիշանոց ծածկագրի վերաբերյալ տեղեկատվություն:

4. Հիմնական լիցենզիա ստանալու համար անհրաժեշտ փաստաթղթերը լիազոր մարմին հայտատուի հայեցողությամբ կարող են ներկայացվել էլեկտրոնային եղանակով (էլեկտրոնային հասցեն՝ secretariat@mineconomy.am), ինչպես նաև փոստով կամ առձեռն: Էլեկտրոնային եղանակով դիմելու դեպքում ուղեկցող գրությունը և հայտն անհրաժեշտ է ներկայացնել Հայաստանի Հանրապետության օրենսդրությամբ սահմանված կարգով՝ էլեկտրոնային թվային ստորագրությամբ:

5. Հայտատուի կողմից, սույն ընթացակարգով սահմանված պահանջներին համապատասխան, անհրաժեշտ փաստաթղթերը ներկայացվելու դեպքում լիազոր մարմնի կողմից հայտի մուտքագրման օրվանից 2 աշխատանքային օրվա ընթացքում լիազոր մարմնի ղեկավարի հրամանի հիման վրա տրամադրվում է հիմնական լիցենզիա, կամ մերժվում է լիցենզիայի տրամադրումը:

6. Սույն կարգի 1-ին կետում նշված յուրաքանչյուր անվանում ապրանքի համար տրամադրվում է առանձին հիմնական լիցենզիա յուրաքանչյուր մինչև մեկ տոննայի համար՝ համաձայն սույն որոշման N 2 հավելվածի N 1 ձևի: Սակայն մեկ լիցենզիա կարող է տրամադրվել մեկ տոննայից ավելի քանակի համար, եթե յուրաքանչյուր մինչև մեկ տոննայի համար վճարվել է օրենքով սահմանված պետական տուրք: Յուրաքանչյուր մեկ տոննայից պակաս արտահանվող ապրանքների համար տրամադրվում է մեկ տոննայի համար նախատեսված լիցենզիա:

7. Հայտատուի ցանկությամբ հիմնական լիցենզիան կարող է տրամադրվել նաև ռուսերենով, որի համար վերջինիս անհրաժեշտ է լրացնել սույն կարգով սահմանված հայտի ռուսերեն տարբերակը՝ համաձայն սույն կարգի N 2 ձևի: Նշված պարագայում լիազոր մարմինը տրամադրում է հիմնական լիցենզիան նաև ռուսերենով՝ համաձայն սույն որոշման N 2 հավելվածի N 2 ձևի:

8. Հայտատուի ներկայացրած փաստաթղթերը լիազոր մարմնում մուտքագրվելուց հետո, թերի լինելու դեպքում, 1 աշխատանքային օրվա ընթացքում դրա մասին էլեկտրոնային կամ կապի այլ միջոցներով տեղեկացվում է հայտատուին:

9. Հայտատուն հայտը և դրան կից ներկայացվող փաստաթղթերը թերի լինելու մասին տեղեկացում ստանալու դեպքում մինչև 3 աշխատանքային օրվա ընթացքում կարող է համալրել դրանք: Տվյալ դեպքում հիմնական լիցենզիայի տրամադրման ժամկետը երկարաձգվում է ևս մինչև 3 աշխատանքային օրով:

10. Հիմնական լիցենզիա ստանալու մասին հայտը մերժվում է, եթե հայտը և դրան կից ներկայացվող փաստաթղթերը թերի են, և 3 աշխատանքային օրվա ընթացքում հայտատուն չի վերացնում հայտում կամ դրան կից փաստաթղթերում առկա թերությունները կամ չի ներկայացնում համալրված փաստաթղթերը:

11. Հիմնական լիցենզիայի գործողության ժամկետի ավարտ է համարվում սույն որոշման 6-րդ կետով սահմանված ժամկետի ավարտը:

12. Այն դեպքում, երբ որպես իրավաբանական անձ գրանցված լիցենզավորված անձի հիմնադիր փաստաթղթերում կատարվել են փոփոխություններ (անվանման կամ գտնվելու վայրի փոփոխություն), կամ փոխվել են անհատ ձեռնարկատեր հանդիսացող ֆիզիկական անձ լիցենզավորված անձի անձնագրային տվյալները, լիցենզավորված անձը 3 աշխատանքային օրվա ընթացքում դիմում է լիազոր մարմին՝ կցելով նաև նշված փոփոխությունները հավաստող փաստաթղթերը, տրամադրված հիմնական լիցենզիայում փոփոխություն կատարելու նպատակով:

13. Հիմնական լիցենզիայի կորստի դեպքում լիազոր մարմինը, հայտատուի գրավոր դիմումի հիման վրա, տրամադրում է հիմնական լիցենզիայի կրկնօրինակը, որը պարունակում է «Կրկնօրինակ» գրառումը: Դիմումը, որով պարզաբանվում են հիմնական լիցենզիայի կորստի պատճառները և հանգամանքները, շարադրվում է ազատ ձևով:

14. Հիմնական լիցենզիայի կրկնօրինակը լիազոր մարմնի կողմից տրամադրվում է դիմումը լիազոր մարմնում մուտքագրելու օրվանից հետո 2 աշխատանքային օրվա ընթացքում: Կրկնօրինակի տրամադրման համար պետական տուրք չի գանձվում:

Հ Ա Յ Տ*

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՆԻՑ ԵՐԿԱԹԻ ԵՎ ՉԼԵԳԻՐՎԱԾ ՊՈՂՊԱՏԻ,
ԵՐԿԱԹԻՑ ԿԱՄ ՉԼԵԳԻՐՎԱԾ ՊՈՂՊԱՏԻՑ ԿԻՍԱՊԱՏՐԱՍՏՈՒԿՆԵՐԻ, ԼԵԳԻՐՎԱԾ
ՁՈՒԼԱԿՏՈՐՆԵՐՈՎ ԿԱՄ ԱՅԼ ՄԿՋԲՆԱԿԱՆ ՁԵՎԵՐՈՎ ՊՈՂՊԱՏԻ, ԶՏՎԱԾ ՊՂՆՁԻ ԵՎ
ՉՄՇԱԿՎԱԾ ՊՂՆՁԱՅԻՆ ՀԱՄԱՁՈՒԼՎԱԾՔՆԵՐԻ, ՉՄՇԱԿՎԱԾ ԱԼՅՈՒՄԻՆԻ,
ԱԼՅՈՒՄԻՆԻ ՓՈՇԻՆԵՐԻ ԵՎ ԹԵՓՈՒԿՆԵՐԻ՝ ԴԵՊԻ ԵՐՐՈՐԴ ԵՐԿՐՆԵՐ
ԱՐՏԱՀԱՆՄԱՆ ՀԻՄՆԱԿԱՆ ԼԻՑԵՆԶԻԱ ՍՏԱՆԱԼՈՒ ՄԱՍԻՆ**

1. Հայտ թիվ		2. Գործողության ժամանակահատվածը _____ 2026 թ.-ից մինչև 03.07.2026 թ.	
3. Լիցենզիայի տիպը		4. Պայմանագիրը	
ՀԻՄՆԱԿԱՆ	ԱՐՏԱՀԱՆՈՒՄ	թիվ	_____ թվականի
5. Հայտատու	ՀՎՀՀ	6. Գնորդ	
7. Նշանակման երկիրը		8. Գնորդի երկիրը	
9. Պայմանագրի արժույթը		10. Արժեքը	11. Վիճակագրական արժեքը
12. Ծագման երկիրը		13. Քանակը	14. Չափման միավորը
15. Ապրանքի ծածկագիրը՝ ըստ ԵԱՏՄ ԱՏԳ ԱԱ-ի, և դրա նկարագրությունը			
16. Լրացուցիչ տեղեկատվություն			
17. Լիցենզիայի տրամադրման հիմքը		18. Հայտատուի լիազորված անձը Ա.Ա.Հ. Պաշտոն Հեռախոսահամար Ստորագրություն և կնիք Ամսաթիվ	

*- լրացվում է համաձայն Եվրասիական տնտեսական հանձնաժողովի խորհրդի 2023 թվականի նոյեմբերի 24-ի N 125 որոշմամբ սահմանված կանոնների (հղում՝ <https://www.arlis.am/DocumentView.aspx?DocID=197273>) կամ հայտի լրացման ուղեցույցի, որոնք տեղադրված են ՀՀ էկոնոմիկայի նախարարության պաշտոնական կայքում

ЗАЯВЛЕНИЕ*

НА ВЫДАЧУ ГЕНЕРАЛЬНОЙ ЛИЦЕНЗИИ НА ЭКСПОРТ ИЗ РЕСПУБЛИКИ АРМЕНИЯ В ТРЕТЬИ СТРАНЫ ЖЕЛЕЗА И НЕЛЕГИРОВАННОЙ СТАЛИ, ПОЛУФАБРИКАТОВ ИЗ ЖЕЛЕЗА ИЛИ НЕЛЕГИРОВАННОЙ СТАЛИ, СТАЛИ В ЛЕГИРОВАННЫХ СЛИТКАХ ИЛИ В ДРУГИХ ПЕРВИЧНЫХ ФОРМАХ, РАФИНИРОВАННОЙ МЕДИ И НЕОБРАБОТАННЫХ МЕДНЫХ СПЛАВОВ, НЕОБРАБОТАННОГО АЛЮМИНИЯ, АЛЮМИНИЕВОГО ПОРОШКА

1.	Заявление		2.	Период действия	
	N			с ____ 2026 г.	по 03.07.2026 г.
3.	Тип лицензии		4.	Контракт	
	ГЕНЕРАЛЬНАЯ	ЭКСПОРТ		N	от
5.	Заявитель		6.	Покупатель	
	УНН				
7.	Страна назначения		8.	Страна покупателя	
9.	Валюта контракта		10.	Стоимость	11. Статистическая стоимость
12.	Страна происхождения		13.	Количество	14. Единица измерения
15.	Код товара по ТН ВЭД ЕАЭС и его описание				
16.	Дополнительная информация				
17.	Основание для выдачи лицензии			18. Уполномоченное лицо заявителя	
				Ф.И.О.	
				Должность	
				Телефон	
				Подпись и печать	
				Дата	

* - заполняется в соответствии с правилами, утвержденными Решением Совета Евразийской экономической комиссии от 24 ноября 2023 года № 125 (ссылка: <https://www.arlis.am/DocumentView.aspx?DocID=197273>) размещенной на официальном сайте Министерства экономики Республики Армения инструкцией по заполнению заявления.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ